



ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ
«ԱՌԱՔԵԼՈՒԹՅՈՒՆ ԵՎ ԱՎԵՏԱՐԱՆՉՈՒԹՅՈՒՆՆ
ԱԾԽԱՐՀՈՒՄ» ՀԱՆՁՆԱԺՈՂՈՎԻ ՀԵՐԹԱԿԱՆ
ՆՍՏԱՇՐՋԱՆԸ

Սույն թվականի ապրիլի 16—24 օրերին Հունաստանի Թեսաղոնիկե քաղաքի Նեապոլիս արվարձանում տեղի ունեցավ Եկեղեցիների Համաշխարհային Խորհրդի «Առաքելություն և ավետարանչություն» հանձնաժողովի հերթական նըստաշրջանը, որին հրավիրվել էին ողղափառ և արևելյան ողղափառ քույր Եկեղեցիների ներկայացուցիչները, քննարկելու համար «Եղիցին կամք քո» Քրիստոսավանդ Տերունական աղոթքի իմաստը ներկայիս «ողղափառ Եկեղեցիների առաքելության» աշխատանքի ոլորտում:

Կիրակի օրը, առավոտյան, նախքան նստաշրջանի բացումը, Նեապոլիսի Ս. Ավետման եկեղեցում տեղի ունեցավ սուրբ պատարագի արարողություն: Սուրբ պատարագին ներկա էին, բացի ժողովականներից, նաև հոծ թվով հավատացյալներ:

Նույն օրը, երեկոյան, Ս. Ավետման եկեղեցում կից սրահում հանդիսավորապես տեղի ունեցավ ժողովի բացումը՝ բոլոր մասնակիցների և բազմաթիվ պետական պաշտոնատարների ներկայությամբ:

Այս առթիվ ընթերցվեցին ողղափառ և արևելյան ողղափառ Եկեղեցիների պետերի կողմից ողղարկված ողջույնի խոսքերը: Ողջույնի խոսքով հանդես եկան Նեապոլիսի միտրոպոլիտ Տ. Դիոնիսիոս սրբազանը, հյուսիսային Հունաստանի միմիստր Սթիլիանոս Փափաթեմելիսը, ԵՀԽ-ի գլխավոր

քարտուղարի տեղակալ պրոֆ. դր. Թոդոր Բաբեր, Ս. Անաստասիոս եպիսկոպոսը՝ հանուն «Առաքելություն և ավետարանչություն» աշխարհում՝ հանձնաժողովի, և Յորգո Լեմոպուլոսը՝ որպես հանձնախմբի քարտուղար:

Նույն օրը, երեկոյան, հանուն Նեապոլիսի թեմի, կազմակերպվեց հատուկ հյուրասիրություն՝ ի պատիվ ժողովի բոլոր մասնակիցների:

Երկուշաբթի, ապրիլի 18-ին, առավոտյան, ժողովն ականջ իր աշխատանքները: Ժողովի ընթացքում առանձին զեկուցումներով հանդես եկան դոկտ. Էոթեն Լ. Սթոքլենը, դոկտ. Հ. Գեմադիոս Լիմուրիսը, Հայր Զոզեֆ Զահլևին, Ս. Ստեփան եպիսկոպոսը, պրոֆ. Օլիվիե Կլեմենտը, Ս. Խաժակ վարդապետ Պարսամյանը, Ս. Անաստասիոս եպիսկոպոսը, պրոֆ. Քրիստոս Վանատսը և ավագ սարկավագ Նազարգինը: Ժողովի երկրորդ օրվա նիստի ատենապետությունը վարեց Ս. Ներսես արքեպիսկոպոս Պոզապալյանը:

Ժողովի հիմնական թեմային զուգահեռ, քննարկվեցին նաև «Երիտասարդները իբրև քարոզիչներ» և «Կանանց առաքելությունը աշխարհում» թեմաները: «Կանանց առաքելությունը» թեմայի քննարկման ընթացքում նիստի ատենապետությունը վարեց տիկ. Թեմի Փիրի-Սիմոնյանը, իսկ «Երիտասարդները իբրև քարոզիչներ» թե-

ման քննարկելիս նիստի ատենապետն էր հայր Ն. Հողորունեն:

Այնուհետև ժողովականները բաժանվեցին չորս խմբերի: Առաջին խումբը քննարկեց «Էկոմենիզմը այսօր» թեման՝ ատենապետությամբ պրոֆ. Սիգիսի, երկրորդ խումբը՝ «Առաքելություն և միություն» թեման՝ ատենապետությամբ հայր Գուշեյի, երրորդ խումբը՝ «Ընկերային ծախքեր քրիստոնեական կյանքում» թեման՝ ատենապետությամբ Ս. Ներսես արքեպիսկոպոսի, չորրորդ խումբը՝ «Համայնքային եկեղեցու դերը ավետարանչության գործում» թեման՝ ատենապետությամբ Ս. Մարկոս Անտոնիոս եպիսկոպոսի:

Վերոհիշյալ չորս խմբերը, իրենց աշխատանքն ավարտելուց հետո, իրենց աշխատանքային փաստաթղթերը ներկայացրին ժողովի ատյանին՝ վերաքննարկման և վավերացման համար:

Ապրիլի 23-ին, շաբաթ օրը, երեկոյան, ժողովն իր աշխատանքները վերջացրեց՝

իր սուաջարկությունները ներկայացնելով 1989 թ. Տեխասում (ԱՄՆ) տեղի ունենալիք համագումարի կազմակերպիչների ուշադրությանը:

Ժողովի ութ օրերի ընթացքում բոլոր մասնակիցները վայելեցին Նեապոլսի ժողովրդի և հատկապես թեմի սուաջնորդ միտրոպոլիտի՝ Ս. Դիոնիսիոս արքագանի ջերմ հյուրընկալությունը: Ժողովի մասնակիցները ատիթ ունեցան նաև այցելելու հյուսիսային Հունաստանի մինիստր Սթիլիանոս Փափաթեմեյիսի պալատը, ուր, ի պատիվ նրանց, տեղի ունեցավ ճոխ հյուրասիրություն՝ սիրալիլո մթնոլորտում:

Հայց. եկեղեցու անունից սույն ժողովին մասնակցում էին Ս. Ներսես արքեպիսկոպոս Պոզապալյանը, Ս. Վիգեն վարդապետ Ալքազյանը և Ս. Խաժակ վարդապետ Պարսամյանը:

ՎԻԳԵՆ ՎԱՐԴԱՊԵՏ ԱՅԲԱԶՅԱՆ

